



Broj: 09-20-11-2-1011

Dana: 19.05. 2022. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14), i preporuke Komisije za provođenje otvorenih postupaka nabavke u 2022. godini, zamjenik direktora Federalne uprave policije **d o n o s i :**

ODLUKU

o poništenju otvorenog postupka javne nabavke rezervnih dijelova za vozila iz programa Audi i Volkswagen van garancije

- Poništava se postupak javne nabavke rezervnih dijelova za vozila iz programa Audi i Volkswagen van garancije, iz razloga što niti jedna prispijela ponuda ne ispunjava uslove tražene tenderskom dokumentacijom.
- 1. Ova odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj:29/14).
- 2. Ova odluka stupa na snagu danom donošenja.
- 3. Za izvršenje Odluke zadužuje se Sektor za materijalno- finansijske poslove.

OBRAZLOŽENJE

Federalna uprava policije provela je otvoreni postupak javne nabavke rezervnih dijelova za vozila iz programa Audi i Volkswagen van garancije, koji je pokrenut Odlukom o pokretanju postupka javne nabavke broj: 09-20-11-2-1011 od 25.04.2022. godine, prema Obavještenju o nabavci broj:1412-1-1-88-3-57/22, objavljenom u Službenom glasniku BiH broj: 28/22 od 06.05.2022. godine. Komisija za provođenje otvorenih postupaka nabavki za 2022. godinu, imenovana Rješenjem zamjenika direktora Federalne uprave policije broj: 09-19/1-30-2-64 od 19.01.2022.godine je utvrdila da su do propisanog krajnjeg roka za dostavljanje ponuda prispjele tri ponude i to: Ponuda ponuđača Kare d.o.o. Sarajevo broj: SK 5722/22 od 13.05.2022.godine, Ponuda ponuđača Autoelektra d.o.o. Sarajevo broj: 1013-01-V/22 od 13.05.2022.godine i Ponuda ponuđača Mirado d.o.o. Tuzla broj: I-1623/22 od 11.05.2022.godine, što je konstatovano u Zapisniku sa otvaranja ponuda od 13.05.2022. godine.

Komisija je ugovornom organu, zamjeniku direktora Federalne uprave policije, dostavila Zapisnik o pregledu i ocjeni ponuda od 19.05.2022.godine u kojem je konstatovano da niti

jedna od zaprimljenih ponuda navedenih ponuđača ne ispunjava uslove tražene tenderskom dokumentacijom, te da su iste za ugovorni organ ne prihvatljive iz razloga što:

- Ponuđač KARE d.o.o. Sarajevo u skladu sa tačkom 13. TD, nije dostavio Spisak izvršenih ugovora kao ni Potvrdu o uspješno izvršenom ugovoru za isporuku rezervnih djelova za vozila iz programa Audi (dostavio je samo spisak i potvrde za vozila iz programa VW i Škoda) koju daje druga strana o njihovoj realizaciji minimalno u vrijednosti predmeta nabavke iz TD.
- Ponuđač AUTOELEKTRA d.o.o. Sarajevo u skladu sa tačkom 13. TD, nije dostavio Spisak izvršenih ugovora kao ni Potvrdu o uspješno izvršenom ugovoru za isporuku rezervnih djelova za vozila iz programa Audi i Škoda (dostavio je samo spisak i potvrdu za vozila iz programa VW) koju daje druga strana o njihovoj realizaciji minimalno u vrijednosti predmeta nabavke iz TD.
- Ponuđač MIRADO d.o.o. Tuzla za stavku „Kombi TD 2.0 TDI, 110KW 2019 godište“ u obrazac za cijenu ponude Anex-II u Tabeli označenoj oznakom „N“ pod rednim brojem 177. na strani 83. ponude, nije naveo pojedinačnu cijenu robe, kao i nije dostavio Spisak izvršenih ugovora i Potvrdu o uspješno izvršenom ugovoru za isporuku rezervnih djelova za vozila iz programa Škoda (dostavio je samo spisak i potvrdu za vozila iz programa VW i AUDI) koju daje druga strana o njihovoj realizaciji minimalno u vrijednosti predmeta nabavke iz TD.

Cijeneći naprijed navedeno, Komisija je dala preporuku da se u skladu sa članom 69. stav 2. tačka d) Zakona o javnim nabavkama BiH, poništi postupak javne nabavke rezervnih dijelova za vozila iz programa Audi i Volkswagen van garancije.

Razmatrajući prijedlog Komisije, zamjenik direktora je donio Odluku kao u dispozitivu.

Pravna pouka: Protiv ove Odluke može se izjaviti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**ZAMJENIK DIREKTORA
GENERALNI INSPEKTOR POLICIJE**

Ensad Korman

Dostaviti:

- Sektor za mat. fin. poslove
- ponuđaču
- u spis

